


TEZAU LITURGIC

20 OCTOMBRIE

ACATISTUL SF. MARE MUCENIC ARTEMIE



MOSCOVA, 2000



Акафист

СВЯТОМУ ВЕЛИКОМУЧЕНИКУ

Артемию

Кондак 1

Взбранному воеводе и августалию страны Египетския, царем земным честию превознесенному, последи же от Юлиана злочестиваго мучимому и во главу усеченному, яко зельне страдавшему и победительне вся претерпевшему, от Бога же приявшему нетление и благодать чудотворения, днесь вернии в похвальная возопийм:

Радуйся, святый Артемие, преславный Христов великомучениче.

Икос 1

Антиохийстии людие дившася святей ревности твоей о имени Христова, славне Артемие, не терпя бо зрети мучения святых и хулы слышати на Господа, Юлианом изрыгаемая; аще и честь ему воздати от Александрии пришел, обаче и обличити того не устрашился еси. Темже, и чина

своего воинскаго изверженный за дерзновение своё, осуждение на раны и смерть приял еси. Мы же ныне, аки обстояще ти на позорищи мучимому, вопиём ти сице:

Радуйся, безславие и мучение от Юлиана претерпевый; радуйся, в славу и осияние от Бога облеченный.

Радуйся, лютаго страдания подъявый; радуйся, величие веры показавый.

Радуйся, блистаясь славою терпения; радуйся, крепосте наша в скорбех и изнеможении.

Радуйся, святой Артемие, преславный Христов великомучениче.

Кондак 2

Буди верен царю, прещаше святой Артемий нечестивому Юлиану: «Яко суетны твоя начинания и немощна есть гордость твоя истребити христианы: отнедеже бо прииде Христос, и водрузися Крест, и воздвижеся на нем Господь - падет злочестивых гордыня и поправа бысть лукаваго крепость, Христова же непобедима и непреодоленна есть сила, еюже ограждающеся, возможем устояти противу козней вражиих, победне вопия Богу: Аллилуиа».

И́кос 2

Во́инствуя за вели́каго царя́ Константи́на, крѣпкою си́лою крѣстною побежда́л еси́ враги́, ору́жеборче Арте́мие; то́ю же си́лою и мучи́теля своего́ Юли́ана одоле́л еси́. Видѣ́нием бо креста́ овогда́ на небеси́ в ве́ре Христо́вей утверди́лся, ле́сть идо́льскую и по́чести во́инскаго зва́ния презре́в, за христи́аны пред отсту́пником му́жественно ра́товал еси́, и во́инов началово́ждя ве́ры на́шея, Го́спода Христа́, себе́ наре́к, живо́т сво́й за То́го до́блественно положи́л еси́. Те́мже и притяжа́л еси́ себе́ от нас зва́ния тако́вая:

Ра́дуйся, зна́мена идо́льская кѣсаря-отсту́пника отринувый; ра́дуйся, зна́мению Креста́ послѣдова́вый.

Ра́дуйся, и ны́не си́лы борю́щихся под стя́гом ве́ры укрепля́й; ра́дуйся, упова́ние изнемога́ющих утвержда́й.

Ра́дуйся, до́брый Христо́в ору́жнице; ра́дуйся, святы́я ве́ры твёрдый защи́тнице.

Ра́дуйся, святы́й Арте́мие, пресла́вный Христо́в вели́комучениче.

Кондак 3

«Господи, далече есмь от терпения и незлобия Твоего», – вопиял еси, святе Артемие, первая мучения претерпев, – «Ты бо, Господи, за мене, грешнейшаго, по всему телеси содроблен был еси ранами, от ног до главы не бе в Тебе целости. Молю убо Тя, Владыко, яко Твоими страданьми венчал мя еси, да и совершиши течение мое во исповедании Тебе с песнию: Аллилуиа».

Икос 3

Дадё злочестивый царь повеление оруженосцем своим восхитити тя, славнаго воинскаго вождя, Артемие, и сановный пояс твой отъёмше, и ризы совлёкше, нага истязати. Они же, связавше рuce и нозе твои, растягоша тело твоё на четверо и бияху воловьими жилами по хребту и чреву толико, яко оскудети силам их. Ты же аки нечувствен пребывал еси, яко всем, окрест стоящим, и самому Юлиану чудитесь зело. Приими убо и от нас похвальная удивления сицева:

Радуйся, в вере непобедимый; радуйся, в уповании непреодолимый.

Ра́дуйся, на ка́мени терпе́ния но́зе сво́й
поста́вивый; ра́дуйся, му́жественне стопы́ своя́
испра́вивый.

Ра́дуйся, ра́довавыйся в страда́ниях; ра́дуйся,
просла́вленный в поруга́ниях.

Ра́дуйся, святы́й Арте́мие, пресла́вный
Христо́в великомуче́ниче.

Конда́к 4

Егда́ святыи испове́дницы Евге́ний и Мака́рий
му́чими бя́ху, тогда́ и ты́, блаже́нне Арте́мие,
ре́вностию по Бо́зе дви́жим, моли́тву твори́л еси́,
да не пока́жет Бо́г тебе́ не то́чию недосто́йна
страда́льческаго начинáния, но да испра́вится
пред Ни́м и твоя́ исхо́дная пе́снь: Аллилу́иа.

И́кос 4

Жи́лами воло́вьими би́емый и по землѣ
протяза́емый ничто́же малоду́шествовал еси́, но
ра́дуясь и веселя́ся, страда́ньми Христо́выми
просвеща́ем, по́двиг му́ченичества до конца́
соверши́л еси́ до́бре. Те́мже и досто́ин яви́лся еси́
ублаже́ния сицева́го:

Ра́дуйся, скуде́льный сосу́д плóти своея́
сокруши́вый; ра́дуйся, свѣт ве́ры и си́лу
му́жества из него́ яви́вый.

Ра́дуйся, в е́гоже не́мощи си́ла Госпо́дня соверши́ся; ра́дуйся, е́гоже терпе́нию мучи́тель почуди́ся.

Ра́дуйся, я́ко Бо́г прия́т твою́ же́ртву муче́ния; ра́дуйся, я́ко Благи́й даде́ тебе́ жре́бий спасе́ния.

Ра́дуйся, святы́й Арте́мие, пресла́вный Христо́в великомуче́ниче.

Конда́к 5

«За Мене́ стра́ждеши, Арте́мие, дерза́й и ра́дуйся», - глаго́ла Христо́с, яви́вся свято́му в темни́це, - «Со Мною́ бу́деши во Ца́рствии Мо́ем». Сия́ слы́шав муче́ник, а́бие от ра́н исцеле́, и душе́ю испо́лнися Боже́ственного утеше́ния, пребы́ваше в темни́це, благословля́я Бо́га и поя́ Ему́: Аллилу́иа.

И́кос 5

Игла́дом, и жа́ждею мучи́ша тя́ в темни́це, блаже́нне Арте́мие. Ты́ же, на щедро́ты Преблага́го Го́спода себе́ возве́рг, еди́наго проси́л еси́, да и са́мую ду́шу твою́, я́ко же́ртву живу́ю прии́мет Влады́ка Христо́с от тебе́ с ещ́е оста́вшеюся кро́вию тво́ею. И не вотще́ бы́сть раче́ние тво́е: запове́да бо Госпо́дь А́нгелом Свои́м в темни́це пита́ти и сохра́няти тя́, пото́м

же и Сам явися, укрепляя тебе, нас же возглашати тебе научая:

Радуйся, от руки Ангел в темнице питавайся; радуйся, хлебом животным с небес укреплявайся.

Радуйся, от ран Господним посещением во узах исцеливайся; радуйся, явлением Христовым утешения исполнивайся.

Радуйся, Господем в темнице обрадованный; радуйся, восшедый к Немю прияти венец славы тебе уготованный.

Радуйся, святыи Артемие, преславный Христов великомучениче.

Кондак 6

«Коль многа суть Владыки моего страдания и что более Его претерпех аз, недостойный», - вопияше блаженный Артемий, - «Той ко Кресту пригвожден бысть греха ради моего, Сам не познав греха, ниже лесть во устех содела. Радуюся и веселюся просвещаемый Господа моего страданиями, яже облегчают ми болезни моя». Тако святыи в себе беседуя, чрез всю ночь купно со страдальцами Евгением и Макарием воспеваше Богу: Аллилуиа.

И́кос 6

Люте́йшим му́кам предаде́ тя, страда́льче
Арте́мие, нечестивый ца́рь, егда́ со студо́м от
Аполло́на Дафни́йскаго возврати́ся и от тебе́
посмея́ние и прорече́ние поги́бели своея́ слы́шав,
зельно́ю я́ростию распали́ся. Те́мже и мы́ за
о́ныя страда́ния мно́жайшими ликостоя́нии
ублажа́ем тя́ си́це:

Ра́дуйся, я́ко тобо́ю Бо́г, дивный во святы́х
Свои́х, язы́ком яви́ся; ра́дуйся, я́ко тобо́ю
сладча́йшее и́мя Христо́во просла́вися.

Ра́дуйся, я́рости мучи́телевы не
устраши́выйся; ра́дуйся, в Христо́вом упова́нии
над идо́лы посмея́выйся.

Ра́дуйся, в ду́се проро́честем бу́дущих
предзри́телю; ра́дуйся, Ду́ха Госпо́дня до́блй
носи́телю.

Ра́дуйся, святы́й Арте́мие, пресла́вный
Христо́в великомучени́че.

Конда́к 7

Мно́га досаждéния творя́ше нечестивый Юли́ан
христи́аном, лжу́ще на ня́, я́ко сожго́ша хра́м
Аполло́на Дафни́йскаго. Егда́ же се́й лже́ц пред
Арте́мием мно́жайшия прещéния изрека́ше на

христиа́ны, святы́й Арте́мий отве́ща: «Богопу́стный гне́в и о́гнь с небесе́ пояде́ идола твоего́ и капи́ще его́ сожже́; посмева́юся безу́мию ва́шему, я́ко служи́те безду́шному бо́гу, утеша́юся о паде́нии его́ и ра́дуюся о все́х си́х, я́же Христо́с чудоде́йствова, Ему́же досто́ит пе́ти велегла́сно: Аллилу́иа».

И́кос 7

Не терпя́ слы́шати пра́ведных сло́в твои́х, свя́те Арте́мие, беззако́нный Юлиа́н, разгне́вався зело́, повеле́ каменосе́чцем разсе́щи вели́кий ка́мень, да посреде́ часте́й его́ согнетён бу́деши. И сему́ угото́ванному, па́дший ка́мень все́ тело́ твоё сотре́, и вну́тренняя твоя́ распадо́шася, и сломи́шася вся́ чле́ны твоя́. И бе́ зрети́ чу́до ве́лие, я́ко в таково́м согнетёнии посреде́ ка́мней ты́ жив оста́ся. Мы́ же Бо́жией си́ле, укрепля́вшей тя́, удиви́аяся, вопие́м:

Ра́дуйся, гро́зде виногра́да Христо́ва в то́чиле исто́панная; ра́дуйся, же́ртво жива́я, Го́споду верху́ ка́мене кро́вию возлия́нная.

Ра́дуйся, му́чениче, его́же все́ тело́ а́ки дска́ согнетёся; ра́дуйся, скрижа́ле жива́я, на не́йже испове́дание ве́ры кро́вию написа́ся.

Ра́дуйся, кро́вьми́ свои́ми, а́ки брѣнием ка́мене смесивый; ра́дуйся, себѣ са́маго́ жива в созида́ние Це́ркве Христо́вы положи́вый.

Ра́дуйся, святы́й Арте́мие, пресла́вный Христо́в великомучениче.

Конда́к 8

О́чи твои́ от му́к искочи́ша, свя́те, и лице́ бе́ сотре́но, ду́ша же е́ще бе́ держа́щися и язы́к до́бре веща́ющ, и́мже и в согнетѣнии призва́л еси́ Бо́га, Помо́щника своего́, и во упова́нии на Него́ взыва́л еси́: Аллилу́иа.

И́кос 8

Привидѣнием почтѣ́ ты́ ца́рь, егда́ узре́ ви́дом стра́шна и естество́ челове́ческое происходя́ща; оба́че и увеща́ тебе́ е́ще поклонѣ́тися и́долом, да поми́луют ты́ и поне́ я́же во а́де му́кам не преда́дут. Ты́ же, посмея́всѣ ца́рю, отве́щал еси́: «Я́ко и́доли и са́ми огня́ не мо́гут избежа́ти, с ними́же и ты́, ца́рю, безконечно́му огню́ пре́дан бу́деши». За е́же, я́ко ху́льника, ца́рь на сме́рть осуди́ ты́. Мы́ же, сше́ствуя тебе́ на ме́сто усече́ния, увяза́ем главу́ твою́ похва́льными венцы́́ тако́:

Ра́дуйся, страда́льче, посреде́ ка́мений согнетённый; ра́дуйся, испове́днице, в крёпости ве́ры не одоле́нный.

Ра́дуйся, и́стину без стра́ха пред ца́ри веща́вый; ра́дуйся, за си́е последи́ все́х злострада́ний усече́ние ме́чное прия́вый.

Ра́дуйся, главу́ свою́ свяще́нную под ме́ч самово́льне подклони́вый; ра́дуйся, терпе́нием своим гла́вы невидимых враго́в сокруши́вый.

Ра́дуйся, святы́й Арте́мие, пресла́вный Христо́в великомучени́че.

Конда́к 9

Ра́нами содробле́н бы́л еси́ по все́му телеси́, я́ко лю́дем на тя́ зрёти бе́ стра́шно: согнетённый а́ки дска́, ко́сти сокруше́нны и вся́ вну́тренняя испадо́ша. Таково́е злострада́ние за ма́лую боле́знь почита́л еси́, наде́ясь у Го́спода, за Него́же страда́л еси́, имети́ поко́й ве́чный, науча́я в злострада́нии не малоду́шествовати, но па́ки возсыла́ти Бо́гу благодарне́: Аллилу́иа.

И́кос 9

«Се́ я́звы Христо́вы на теле́ твоём начертаны́ су́ть», - глаго́ла к себе́ святы́й, - «оста́лося у́бо, да и са́мую ду́шу за Христа́ отда́м с оста́вшеюся во

мнѣ крѡвию». И на щедрѡты Господни себѣ
возвѣрг, небоязненно Христа исповѣдал пред
человеки, за Негоже и усечѣние с радостію
пріял еси. Сего ради, за превосходящую любовь
твою к Богу, похваляем тя сице:

Радуйся, Христова Евангелия скорый
послушателю; радуйся, великия заповеди Его
готовый исполнитель.

Радуйся, крепкую любовь ко Господу Христу
показавый; радуйся, и душу свою с крѡвию
радостно за Того предавый.

Радуйся, содроблѣнием своим наше
разслаблѣние укрепляяй; радуйся, язвами
своими наша болѣзни исцеляяй.

Радуйся, святыи Артемие, преславный
Христов великомучениче.

Кондак 10

Твердою верою вооружився, неистовство
мучителево презрел еси, и осуждѣние на
усечѣние мечное с радованием пріял еси, и
ведомый на смѣрть, шествовал еси веселыми
ногами, вопия Христу Богу: Аллилуиа.

И́кос 10

Усе́чением главы́ по́двиг сво́й му́ченический запечатле́вый, утверди́ моли́твами твои́ми и на́с, главы́ сво́я под и́го Христо́во подклони́вших, чрез все́ жити́е по́двигом до́брым подвиза́тися, люби́ти Го́спода у тебе́ поуча́тися, вопия́ тебе́ си́це:

Ра́дуйся, си́льне, на одоле́ние мучи́телей ме́ч ве́ры при бедре́ препоя́савый; ра́дуйся, шле́мом спасе́ния от Го́спода защи́щенный.

Ра́дуйся, по́ясом сла́вы от Не́го до́бре украше́нный; ра́дуйся, щито́м моли́тв сво́их все́х прибега́ющих к тебе́ охраня́яй.

Ра́дуйся, за страда́льцев Го́сподних во всеору́жии ополча́йся; ра́дуйся, ше́ствующих у́зким путе́м в Ца́рствие Небе́сное неукло́нно провожда́яй.

Ра́дуйся, святы́й Арте́мие, пресла́вный Христо́в великомуче́ниче.

Конда́к 11

Фи́ал злострада́ния уготовля́ясь до конца́ испи́ти, на ме́сте усече́ния преклони́вся до земли́, моли́твою к Бо́гу ду́х сво́й укрепля́л еси́. И слы́шав гла́с с не́ба глаго́лющ: «Вни́ди со

святы́ми прия́ти возда́ние тебе́ угото́ванное», - преклоня́ еси́ главу́ под ме́ч, с ра́достью возно́ся Бо́гу: Аллилу́иа.

И́кос 11

Хва́лим тя́ вси́, страстоте́рпче святы́й, и почита́ем честна́я страда́ния твоя́, я́же па́че естества́ челове́ческаго претерпе́л еси́, и Ца́рствие Небе́сное притяжа́л еси́. Те́мже воздвига́емся вопи́ти тебе́ та́ко:

Ра́дуйся, изможде́ния и членоврежде́ния прия́вый; ра́дуйся, высоту́ ду́ха в му́ках яви́вый. Ра́дуйся, щито́м упова́ния себе́ огради́вый; ра́дуйся, твёрдостью́ свое́ю де́рзость мучи́телей исто́щивый.

Ра́дуйся, е́гоже муче́нию А́нгели предстоя́ху со удиви́ением; ра́дуйся, е́гоже страда́ния лю́дие почита́ют со умиле́нием.

Ра́дуйся, святы́й Арте́мие, пресла́вный Христо́в великомуче́ниче.

Конда́к 12

Цено́ю кро́ви твоея́ притяжа́л еси́ Ца́рствие Небе́сное, великострада́льче Христо́в Арте́мие. Упра́ви и на́с твои́м предста́тельством во оби́тели небе́сных, да, наслажда́ясь с тобо́ю

ча́сти пра́ведных, вы́ну сла́вим с тобо́ю Бо́га пе́снию: Аллилу́иа.

И́кос 12

Черто́г небесный отве́рзе ти́ Страстополо́жник Христо́с и даде́ ти́ досто́йно вене́ц сла́вы: и ны́не на небесе́х со А́нгельскими чи́нми ра́дуешься. Те́мже и мы́, благода́рнии лю́дие и любомученицы, пе́снями вопие́м ти́:

Ра́дуйся, воево́до, никими́же в му́жестве одоле́нный; ра́дуйся, ратобо́рче за Христа́, в си́ле неоскуде́емый.

Ра́дуйся, великострада́льче, му́ками твоими́ естество́ челове́ческое удиви́вый; ра́дуйся, несокруши́мость ду́ха в теле́сном содробле́нии яви́вый.

Ра́дуйся, во упова́нии на Бо́га Жи́ва не усумне́выйся; ра́дуйся, ча́сти пра́ведных на небесе́х наслажда́йся.

Ра́дуйся, святы́й Арте́мие, пресла́вный Христо́в великомучени́че.

Конда́к 13

Опресла́вне великомучени́че Христо́в Арте́мие! Поём страда́ния твоя́, чтим до́блюю кончи́ну твою́, с усер́дным моле́нием к тебе́ притека́юще:

укрепí и нас с терпéнием в пóдвиге крестоношéния пребывáти, испытáния и злострадáния чрез всё житиé до концá понести не унывáюще, но бóдренне пребывáюще в пéнии Бóгу: Аллилу́иа.

Этот конда́к чита́ется три́жды, затéм и́кос 1 и конда́к 1.

Моли́тва пёрвая

Святы́й уго́днице Бóжий, Артéмие праведный! При́зри милостивно на усéрдную моли́тву нас, грéшных (именá), и твои́м благомо́щным предста́тельством прощéние согрешéний на́ших у Гóспода испроси́, преспéяние же в вéре и благочéстии и от ко́зней диáвольских ограждéние исходáтайствуй нам. Наипáче же моли́ Гóспода, да сподóбит всёх нас по христиáнской кончине Небéсное Цáрствие получи́ти, иде́же вси праведнии кúпно с тобо́ю сла́вят Отцá и Сы́на и Свята́го Дúха во вéки веко́в.

Моли́тва вторáя

Святы́й мучени́че Артéмие! При́зри с небéснаго черто́га на трéбующих твоея́ пóмощи и не отвéргни прошéний на́ших, но, я́ко присный благодéтель и ходáтай наш, моли́ Христа́ Бóга,

да, человеколюбив и многомилостив сый, сохранит нас от всякаго лютаго обстояния: от труса, потопа, огня, меча, нашествия иноплемёнников и междоусобныя брани. Да не осудит нас грешных по беззаконием нашим, и да не во зло обратим благая, даруемая нам от Всещедраго Бога, но во славу святаго имени Его и в прославление крепкаго твоего заступления. Да молитвами твоими даст нам Господь мир помыслов, воздержание от пагубных страстей и от всякия скверны и да укрепит во всём мире Свою Единую Святую, Соборную и Апостольскую Церковь, юже стяжал есть честною Своєю Кровию. Молися прилежно, святыи мучениче, да благословит Христос Бог державу, да утвердит во святей Своей Православней Церкви живый дух правыя веры и благочестия, да вси члены ея, чисти от суемудрия и суеверия, духом и истиною поклоняются Ему и усердно пекутся о соблюдении Его заповедей, да мы вси в мире и благочестии поживём в настоящем веце и достигнем блаженныя вечныя жизни на небеси, благодатию Господа нашего Иисуса Христа, Емуже подобает всякая слава, честь и держава со Отцем и Святым Духом, ныне и присно и во веки веков. Аминь.

Молитва третья

Овсехвальный великомучениче Артемие, Господень воинственниче и всем нам крепкий поборниче! Скор буди предстательством твоим у Человеколюбца Христа, да даст правоверным людям, почитающим тя и на поклонение мощем твоим приходящим, милость и благих прошений скорое исполнение. Предстояй Престолу Божию в лице мученик, поминай всех нас, бедами, напастьми и скорбями обстоимых, и в житии сем много страждущих: да твоею помощью и крепким поборством престанут приходящая на нас злая. Мы же, твоими злострадаными назидаемы, силою благодати Христовы чрез тебе исполняемы, в терпении крестоношения жити начнем, во еже Господу покаянием благоугодити и неизреченная благая наследовати, яже уготована любящим Бога и прославляющим святое имя Его, Отца и Сына и Святаго Духа, ныне и присно, и во веки веков. Аминь.

